

聖濟總錄

吳錫璜著

已4

86429

大德重校聖濟總錄卷第九十八

諸淋門

諸淋統論

論曰膀胱者州都之官津液藏焉氣化則能出矣位處下焦與腎為表裏分別清濁主出而不內若府藏氣虛寒熱不調使氣不化而水道不宣故為淋悶之病矣遂有諸淋之證大體緣腎藏氣虛膀胱有熱唯冷淋為異善治此者當熟察之

卒淋

論曰卒淋者緣下焦有熱傳入膀胱其候卒然少腹急痛小便淋數澀痛故謂之卒淋蓋下焦在臍下當膀胱上口主分別清濁主出而不內以傳導也今熱在下焦故其病如此

治卒淋澀秘澀不通木通飲方

木通

判

黃芩

滑石

碎各一兩

甘草

炙一分

漏蘆

去蘆頭三分

甜葶藶

紙上炒一分

右六味粗搗篩每服三盞匕水一盞煎七分去滓溫服取小便利為度未利

再一二服食前

治卒淋通利小腸瞿麥湯方

瞿麥

去梗半兩

木通

剉

赤茯苓

去黑皮湯去白焙

滑石

碎一兩半

冬葵子

炒一合

甘草

炙剉

桑根白皮

剉各半兩

右八味粗搗篩每服三錢匕水一盞入葱白二寸煎七分去滓溫服不拘時

治卒淋結澀不通利茅根飲方

茅根

剉

木通

剉各三兩

石韋

試去毛

黃芩

去黑心

當歸

洗切焙

芍藥

冬葵子

打碎

滑石

碎各二兩

亂髮

雞子大兩枚燒灰

右九味粗搗篩每服三錢匕水一盞煎七分去滓溫服不拘時

治卒淋小便不通秘澀疼痛地膚飲方

地膚子

三兩

知母

焙

豬苓

去黑皮

瞿麥

去梗

黃芩

去黑心

升麻

木通

剉各二兩

冬葵子

半兩

海藻

洗去鹹焙一兩

右九味粗搗篩每服三錢匕水一盞煎至七分去滓溫服不拘時

治膀胱虛熱小便卒暴淋澀黃耆飲方

黃耆

剉

人參

白茯苓

去黑皮

旱蓮子

滑石

研各一兩

桑根白皮劉三

黃芩去黑心

枳殼去瓢炒

芒硝各半兩

右九味麤搗篩每服三錢匕水一盞煎七分去滓溫服不拘時

治小便卒暴淋澁不通榆皮飲方

榆白皮劉洗

瞿麥穗取

赤茯苓去黑皮

雞蘇

梔子人

木通劉

郁李人湯浸去皮尖炒各半兩

右七味粗搗篩每服三錢匕水一盞煎七分去滓溫服不拘時

治卒淋不通黑金散方

好細墨燒一兩

右一味為細散每服一錢匕溫水調下不拘時服

治卒小便淋澁不通鬱金散方

鬱金一兩

滑石研半兩

甘草生一分

右三味搗羅為散每服一錢匕熱湯調下不拘時服

治卒淋石韋湯方

石韋去毛

瞿麥穗取

冬葵子炒

車前子各一兩

右四味粗搗篩每服三錢匕水一盞煎至七分去滓溫服不拘時

治小便卒淋澀不通海蛤丸方

海蛤兩半

滑石研

商陸煨

漏蘆去蘆頭各半兩

白瓷屑定州者研水飛過一兩

右五味搗研為細末取生何首烏自然汁一升煮鈣糊和丸如梧桐子大每服二十九燈心湯下食前服

治卒淋木通飲方

木通剉

茅根剉

瞿麥去梗

芍藥各二兩

滑石碎三兩

亂髮雞子大兩枚燒灰

右六味粗搗篩每服三錢匕水一盞煎至七分去滓溫服不拘時

治小便卒淋澀茯苓湯方

赤茯苓去黑皮三兩

滑石碎四兩

石韋去毛

瞿麥穗

蒲黃各二兩

榆白皮切三兩

冬葵子合二

右七味粗搗篩每服五錢匕水一盞半煎至八分去滓食前溫服

冷淋

論曰腎與膀胱為表裏下通於胞宣行水道腎藏虛弱冷氣客於下焦邪正交爭滿於胞內水道不宣故其狀先寒顫然後便溺成淋謂之冷淋也

治冷淋小便澁榆皮湯方

榆皮

桂皮去粗

芎藭各半兩

木通

瞿麥穗各一兩

人參三分

右六味剉如麻豆大每服五錢匕水一盞半煎至八分去滓溫服不拘時

治冷淋寒顫小便澁痛茅根飲方

茅根

菝葜

篴竹葉

五味子

各一兩半烏梅十五枚

石膏五兩

人參二兩

右七味剉如麻豆大每服五錢匕水一盞半煎至一盞去滓溫服不拘時

治冷淋寒顫澁痛菝葜飲方

菝葜

土瓜根

黃耆剉

地骨皮

五味子各二兩

人參

牡蠣

煨各一兩半石膏碎四兩

右八味粗搗篩每服五錢匕水一盞半煎至七分去滓溫服不拘時

治冷淋澁便冷澁菝葜子散方

菝葜子

酒浸別搗肉菝葜各一兩

五味子

黃耆剉

雞腕胫黃皮

蒲黃各一兩半

消石研半兩

右七味搗羅為散每服二錢匕溫酒調下不拘時

治冷淋肉蓯蓉丸方

肉蓯蓉

酒浸切焙

熟乾地黃

焙

山芋

石斛

去根

牛膝

酒浸切焙

桂

去粗皮各半兩

黃耆

剉

附子

炮裂去皮臍各一兩

黃連

去須三分

甘草

炙

細辛

去苗葉各一分

檳榔

剉五枚

右一十二味搗羅為末鍊蜜丸如梧桐子大每服二十丸鹽酒下不拘時

治腎虛膀胱冷淋瀝不利黃耆丸方

黃耆

剉

黃連

須去

土瓜根

剉各二兩半

玄參

三兩

地骨皮

剉

菰藟

剉

鹿茸

去毛酥炙各二兩

牡蠣

熬一兩

人參

桑螵蛸

炒

五味子

各一兩半

右一十一味搗羅為末鍊蜜丸如梧桐子大每服二十丸鹽酒下不拘時

治冷淋菟絲石脂散方

菟絲子

酒浸別搗

白石脂

牡蠣

煨研各二兩

桂

去粗皮

土瓜根

剉各一兩

右五味搗研為散每服二錢匕煮大麥粥飲調下空心食前服

治冷淋諸方不差者麝香散方

麝香

不拘多少

右一味細研每服半錢匕空心溫酒調下

治冷淋小便澀痛澤瀉散方

澤瀉

雞蘇

赤茯苓

去黑皮

石韋

去毛炙

當歸

切炒

蒲黃

檳榔

琥珀

研各一兩

桂

去粗皮三分

桑螵蛸

炒

枳殼

去瓢殼炒各半兩

右一十一味搗研為散每服二錢匕煎冬葵子湯調下木通湯亦得不拘時

治冷淋小便多或不禁宜服菟絲子散方

菟絲子

酒浸一宿別搗一兩

蒲黃

黃連

去須各一兩半消石兩半

肉蓯蓉

酒浸一兩去皺皮切焙一兩

五味子

半兩

雞腕脰黃皮

炙一兩半

右七味搗羅為細散每空腹溫酒調三錢匕服日二

治陰汗小便多冷淋等蜀椒丸方

蜀椒

去目及閉口者炒出汗三兩

杏人

湯去皮尖雙人炒黃研四兩

右二味先以醇酒一升半熬令酒盡取椒焙為末杏人別研相和為丸如梧

桐子大每日空心鹽湯下二十丸晚再服

熱淋

論曰三焦者水穀之道路也三焦壅盛移熱於膀胱流傳胞內熱氣併結故水道不利而成淋也其狀溲便赤澁或如血汗故謂之熱淋

治熱淋小便赤澁疼痛滑石散方

滑石

所二兩

枳萋根

劉三兩

石韋

炙去毛半兩

右三味搗羅為散每服二錢匕煎小麥湯調下不拘時候

治熱淋結澁不通車前子散方

車前子

炒

牛膝

劉各一兩

桑根白皮

切三兩

蒲黃

一兩

右四味搗羅為散每服二錢匕煎葱湯調下不拘時

治熱淋小便熱澁石韋散方

石韋

炙去毛

冬葵子

炒各二兩

瞿麥

取穗一兩

車前子

炒

滑石

碎各三兩

右五味搗羅為散每服二錢匕米飲調下不拘時候

治熱淋小便赤澁疼痛木通散方

木通

劉

白茯苓

去黑皮各二兩

葶藶子

紙上一兩炒

右三味搗羅為散每服二錢匕溫水調下不拘時以利為度

治熱淋小便赤澀疼痛四汁飲方

蒲萄汁自然黑

蜜

生藕汁自然

生地黃自然汁各五合

右四味和勻每服七分一盞銀石器內慢火煎沸溫服不拘時候

治熱淋小便赤澀熱痛朴消散方

朴消二兩

右一味研細每服一大錢匕蜜水調下不拘時以利為度

治熱淋小便澀痛葱白湯方

葱白細切握

右一味用淡漿水一升煎取七分合去滓放溫服一盞不拘時候

治熱淋小便赤澀熱痛筆頭灰散方

故筆頭五十枚燒灰

右一味研為細末每服二錢匕溫水調下不拘時候

治熱淋小便赤澀熱痛滑石散方

滑石四兩

右一味搗羅為散每服二錢匕煎木通湯調下不拘時候

治熱淋小便赤澀麻根湯方

麻根剉五
十莖

右一味粗搗篩每服五錢匕水一盞半煎取一盞去滓溫服不拘時候

治熱淋車前子湯方

車前子并半

右一味粗搗篩每服三錢匕水一盞煎至七分去滓溫服不拘時候

治熱淋小便赤澀不通白茅根湯方

白茅根細剉
五兩

右一味粗搗篩每服五錢匕水一盞煎至七分去滓溫服不拘時候

治熱淋小便赤澀疼痛車前子湯方

車前子
葵根各一
兩三
木通三

右三味剉如麻豆大以水十二盞煎取四盞去滓下芒硝末半兩分溫四服如人行六七里再進一服微利為度

治熱淋小便赤澀痛滑石散方

滑石所四
兩
冬葵子二

右二味粗搗篩每服五錢匕水一盞半煎至八分去滓溫服食前

治心經壅熱小便淋澀赤痛瞿麥湯方

瞿麥穗

分三

茅根

冬瓜子

各半

葵子

合二

木通

判一

黃芩

去黑心六錢

竹葉

判一

滑石

研一分為末分作三貼

右八味除滑石外粗搗篩分作三劑每劑用水三盞煎至二盞去滓入滑石

末一貼攪勻分溫二服食前

氣淋

論曰腎虛則不能制小便膀胱挾熱則水道澀腎虛膀胱熱則胞內氣脹小腹堅滿而生淋之病也其候出少喜數尿有餘瀝是也亦曰氣癰診其脉少陰脉數者則為氣淋

治氣淋小便不快大黃丸方

大黃

判二兩

赤芍藥

黃芩

去黑心

杏仁

去皮尖別研如膏

芒硝

各一兩半

右五味搗研為末和勻鍊蜜丸如梧桐子大每服二十丸溫熱水下食前

治氣淋結澀不通木通湯方

木通

判一分

木香

半兩

細辛

去苗葉一分

草薢

去皮三枚

人參

半兩

赤茯苓

去黑皮三分

桃人

湯去皮尖半兩肉豈蔻二枚

右八味粗搗篩每服三錢匕水一盞煎至七分去滓溫服不拘時

治氣淋膀胱熱結小便不通瞿麥湯方

瞿麥

用穗一兩半

黃芩

去黑心雞蘇各一兩

當歸

切焙三分木通

白茯苓

去黑皮

芍藥

滑石

研各三分

右八味粗搗篩每服三錢匕水一盞煎至七分去滓溫服不拘時

治氣淋臍腹滿急小便不利滑石湯方

滑石

研二兩

蒲黃

芒硝

各一兩半瞿麥穗

石韋

去毛各一兩一分

黃芩

去黑心

白茯苓

去黑皮

赤芍藥

各一兩半冬葵子二兩

陳橘皮

湯浸去白焙一兩

右一十味粗搗篩每服三錢匕水一盞煎至七分去滓溫服不拘時

治氣淋小便不通芍藥湯方

赤芍藥

大黃

剉

當歸

切

芍藥

各二兩

桂

去粗皮

人參

細辛

去苗葉各三兩桃白皮

一握洗

真珠末

兩半

雄黃

研三分

右一十味粗搗篩每服三錢匕水一盞煎至七分去滓溫服不拘時

治氣淋小便不利脹滿石韋湯方

石韋

去毛一兩

雞腸草

三兩

右二味粗搗篩每服三錢匕水一盞煎至七分去滓溫服不拘時

治氣淋結澀澁便不利桑白皮湯方

桑根白皮

剉一兩半

茅根

剉二兩半

木通

剉

乾百合

剉各二兩

右四味粗搗篩每服三錢匕水一盞煎至七分去滓溫服不拘時

治氣淋臍下滿急切痛榆枝湯方

榆枝

兩半

石鷲子

三枚

右二味粗搗篩每服三錢匕水一盞煎至七分去滓溫服不拘時

治氣淋結痛不通綿灰散方

好白綿

四兩燒灰存性研

麝香

研半分

右二味和勻每服二錢匕溫蔥酒調下連服三服

治氣淋結澀不快海金沙散方

海金沙

別搗滑石二兩研

甘草

剉

山梔子

各一兩

右四味將甘草梔子人搗羅為細散入餘藥再研勻每服一錢匕茶清調下

不拘時

治氣淋結澀小便不通白芷散方

白芷

醋浸焙乾二兩

右一味為細散煎木通酒調下二錢匕連服三服

治氣淋結澀不通通神散方

粟米

合

故筆頭

燒二枚

馬蘭花

燒灰

右三味搗羅為細散溫酒調下二錢匕痛不可忍者連服三服

治氣淋澀滯瞿麥湯方

瞿麥穗

黃連

去須

大黃

熬

枳殼

去瓢

當歸

切

桔梗

牽牛子

大腹

剉

木通

剉

羌活

去蘆頭

延胡索

射干

各一兩半

桂

去粗皮

右一十三味粗搗篩每服四錢匕水一盞半入生薑七片煎取八分去滓溫

服不拘時

治因氣成淋小便痛或澀血或如豆汁貝齒湯方

貝齒

研一

冬葵子

研半

石膏

一兩

滑石

碎一

右四味吹咀如麻豆大每服五錢匕水一盞半煎至八分入豬脂肪少許再

煎數沸去滓空腹溫服

血淋

論曰心主血氣通小腸與膀胱俱行水道下焦受熱則氣不宣通故澁便癰閉而成淋也熱甚則搏於血脉血得熱則流行入於胞中與澁便俱下故為血淋也

治血淋小便出血熱結澁痛羚羊角飲方

羚羊角屑

梔子人

冬葵子

炒各一兩

青箱子

紅藍花

炒

麥門冬

去心

大青

大黃

劉半兩炒各

右八味粗搗篩每服三錢匕水一盞煎至七分去滓溫服不拘時候

治血淋熱結不得通利瞿麥湯方

瞿麥穗

生乾地黄

焙各三兩

鬱金

二兩

車前葉

切焙三兩

滑石

碎五兩

芒硝

一兩

右六味粗搗篩每服三錢匕水一盞煎至七分去滓溫服不拘時候日三服

治血淋熱澁疼痛黃芩湯方

黃芩

去黑心

甘草

炙

阿膠

炙令燥各二兩

柏葉

焙

生乾地黄

焙各三兩

右五味粗搗篩每服三錢匕水一盞煎至七分去滓溫服不拘時候日三服

治血淋熱痛不可忍大黃飲方

大黃畧蒸熟切

亂髮燒灰一兩

右二味搗羅為散每服二錢匕溫熱水調下日三服

治血淋小腸澀痛煩悶石韋湯方

石韋去毛三分葛根剉

甘草炙剉

桑根白皮剉獨活去蘆

防風去叉各半兩冬葵子畧炒一兩木通剉一兩

滑石碎三分

右九味粗搗篩每服三錢匕水一盞煎至七分去滓溫服不拘時候

治血淋疼痛木通湯方

木通剉二兩半雞蘇葉

石膏碎各二兩

刺薊根切焙生乾地黃切焙三兩

右五味粗搗篩每服三錢匕水一大盞煎至七分去滓溫服不拘時候

治血淋早蓮子湯方

早蓮子 芭蕉根細剉各二兩

右二味粗搗篩每服五錢匕水一盞半煎至八分去滓溫服日二服

治小便淋瀝出血疼痛桑黃湯方